

Presentacion di buki "Un Siglo di Recuerdo" di Richard de Veer

ORANJESTAD

Biblioteca Nacional Aruba tabata sede Diahuebs anochi di e presentacion oficial di e buki 'Un Siglo di Recuerdo' di auto Arubiano Richard de Veer. Richard de Veer, escritor di e buki nobo aki, a nace na Aruba. E tabata 19 aña den enseñanza na Aruba y dies na Hulanda. Awor cu e ta disfrutando di su pension e ta dedica su tempo na profundiza su conocemento di Papiamentu di Aruba y trata di duna un contribucion na e lenga di su isla natal.

Tres aña pasa esaki a resulta positivamente participando na e dictado na Papiamentu como parti di Winternachten na Den Haag. El a gana e prome premio cu cero fout. Como prueba di su esfuerzo el a skirbi "Si ta mi mes", el a participa cu dos storia den e antologia "Bentana habri" di Simia Literario y awor cu "Un siglo di recuerdo".

Richard de Veer ta spera cu su buki nobo lo ta un estimulacion pa hopi cu tambe kier duna un contribucion na nos dushi Papiamentu.

